

**SPORTSKO RIBOLOVNI SAVEZ
BOSNE I HERCEGOVINE**

Ulica, Ive Andrića 4.

71123 ISTOČNO SARAJEVO

E-mail: srsbihk@gmail.com

Facebook: RIBOLOVNI SAVEZ BiH

WEB SITE: srsbih.com/web



**СПОРТСКО РИБОЛОВНИ САВЕЗ
БОСНЕ И ХЕРЦЕГОВИНЕ**

Улица, Иве Андрића 4.

71123 ИСТОЧНО САРАЈЕВО

E-mail: srsbihk@gmail.com

Facebook: RIBOLOVNI SAVEZ BiH

WEB SITE: www.srsbih.com/web

SPORTS FISHING ASSOCIATION OF BOSNIA AND HERZEGOVINA

Tel: 00387 61 217 870 , Tel/ Fax: ++387 33 485-719 Ž.R. 1610000012560056 Raiffeisen bank BiH
ID = 4200830340002

BROJ:01-070/ 14

USVOJENO NA UO SRS BIH
15.02.2014.god

P R A V I L N I K

**O SPORTSKO RIBOLOVNIM TAKMIČENJIMA RIBOLOVACA
DISCIPLINA: LOV RIBE UDICOM NA PLOVAK ZA KATEGORIJE
Seniori, Seniorke, U-14, U-18, U-23 i Veterane , ekipna i pojedinačna
takmičenja i KUP BiH**

Sarajevo, februar / veljača 2014.god

Na osnovu člana 32.17. Statuta sportsko ribolovnog saveza Bosne i Hercegovine, Upravni odbor na sjednici održanoj dana, 15.02.2014. godine, na osnovu izmjena pravila F.I.P.S.e.d, na kongresu u Lisabon, Portugal, 26.04.2013 godine, donosi:

PRAVILNIK

O SPORTSKO RIBOLOVNIM TAKMIČENJIMA U DISCIPLINI: Lov ribe udicom na plovak ZA KATEGORIJE, Seniori, Seniorke, U-14, U-18, U-23 i Veterane, ekipna i pojedinačna takmičenja i KUP BiH

Član 1.

Ovim Pravilnikom reguliše se sistem i organizacija takmičenja u disciplini „**ULOVU RIBE UDICOM NA PLOVAK**“, za službena takmičenja koja organizuje SRS Bosne i Hercegovine, a isti se odnosi na uzraste takmičara: seniori, seniorke, kadeti U-14, Juniori U-18 i U-23 i veterani, usklađen sa pravilima za ove kategorije i odredbama koje propisuju Pravila FIPS-ed. Federacije, donesenih na Kongresu u Lisabon, Portugal, 26.04.2013 godine.

Član 2.

Pravilnikom su obrađeni:

1. **Odabir i uređenje takmičarske staze**
2. **SISTEM SRT u SRS BiH**
3. **Opšta Pravila takmičenja**
4. **Pribor za takmičenje, primama i ponašanje učesnika takmičenja**
5. **Priprema za takmičenje i izvođenje takmičenja.**
6. **Službene osobe na takmičenju**
7. **Suđenje na takmičenju**
8. **Obračun rezultata**
9. **Kazne na takmičenju**
10. **Proglašavanje rezultata**
11. **Formiranje reprezentacije SRS BiH**
12. **Prelazne i završne odredbe**

1. ODABIR I UREĐENJE TAKMIČARSKE STAZE

Član 3.

Takmičenje se mora organizovati na vodama, kao što su: rijeke, kanali, potoci ili odgovarajuće vodene površine, kao što je jezero ili slično. Ako je ikako moguće, mora biti omogućeno lovljenje ribe po cijeloj dužini prostora za takmičenje. Dubina bi, po mogućnosti, cijelom dužinom takmičarske staze trebala biti podjednaka, a mora iznositi najmanje 1,5 metara. Minimalna širina takmičarske staze mora iznositi 25 metara (bilo da je rijeka ili jezero).

Član 4.

Izabrana takmičarska staza, odnosno sektor treba po mogućnosti biti u pravoj liniji, bez praznih mjesta i prekida unutar sektora. Treba izbjegavati veće uvale i rtove, te obezbjediti približno jednake uslove po pitanju visine obale, konfiguracije terena, površine startnog mjesta, dubine vode u sektoru sa maksimalnim odstupanjem 40 %. Staza mora biti prekinuta (samo između sektora), kod vodova visokog napona na udaljenosti 25 m, mostova elektro instalacija, trafo stanica i sl. prepreka. Takmičarska staza ne smije predstavljati nikakvu opasnost niti takmičarima, niti gledaocima.

Član 5.

Na izabranoj takmičarskoj stazi mora biti zabranjen ribolov (trening) najmanje 16 sati prije početka zvaničnog takmičenja. Obavezan pregled takmičarske staze prije početka takmičenja vrši Glavnini sudija, a svoju ocjenu o stanju staze objavljuje prije početka žrijebanja svim takmičarima, odnosno ekipama. Obala mora biti što ravnija, radi pristupa kolicima i trebala bi imati jednake uslove za sve takmičare i njihove pomoćnike-asistente, čak šta više obala, lovno mjesto treba omogućiti takmičarima da stoje u pravoj liniji, izbjegavajući sve moguće ometače takmičenja, kao što su električni vodovi, mostovi i slično.

Član 6.

Za vrijeme takmičenja, za svakog takmičara mora biti osiguran prostor za takmičenje (ring, krug, box) od najmanje 10 metara, a najviše 20 metara. Tačne dimenzije prostora za takmičenje (ringa, kruga, boxa) dogovorit će se zajedno s tehničkom komisijom. Prostor za takmičenje svakog takmičara (ring) odvojiti će se neutralnom zonom od maksimalno 1 metar sa obje strane lijevo i desno. Prostor može biti smanjen ili čak izostavljen o čemu odluku donosi Glavni sudija uz konsultaciju sa Delegatom takmičenja. Svaki prostor za takmičenje (ring) mora biti dobro označen i uređen tako da je odvojen od gledatelja; zato se može upotrijebiti ograda ili se prostor može označiti konopcima na odgovarajućoj udaljenosti od obale (preporuka je 10 metara); isto tako, mora se osigurati odvojeni prolaz koji će upotrebljavati službene osobe i taj prolaz mora biti postavljen između takmičara i gledatelja. Samo vođa ekipe-timski menadžer (Team manager) ili, ovisno o takmičarskoj stazi dvije ovlaštene osobe iz pojedine ekipe imaju pravo ulaska u prostor za takmičenje (ring) člana svoje ekipe. Kao vidljivu oznaku za identifikaciju vođa ekipe mora na leđima nositi **zeleni broj** označen slovom **C** (skraćeno od Capitain), koja određuje njegov / njezin status. Rezerve će nositi **crveni broj** označen slovom **R** (skraćeno od Reserve).

Član 7.

Startna mjesta moraju biti jasno označena i obilježavaju se u jednom sektoru od 1 do «N!» u zavisnosti od broja takmičara u tom sektoru i postavljaju se na tekućim vodama **uzvodno** od broja **jedan (1)** u sektoru, a na stajaćim vodama (jezerima) **desno** od broja **1** u sektoru u smjeru kazaljke na satu. Svako startno mjesto organizator takmičenja – domaćin mora obilježiti najmanje 1 sat prije početka žrijebanja.

Član 8.

Kod ekipnog takmičenja PRVA LIGA, i KUP SRS BiH, radi što ravnomjernijeg rasporeda takmičara određuju se sektori (broj sektora je isti kao i broj članova ekipe), tako da u svakom sektoru bude samo po jedan član iz svake ekipe. Sektori se obilježavaju slovima **A, B, C, D, E** i moraju na početku i na kraju svakog sektora biti propisane table kojim je označen početak i kraj sektora. Startna mjesta u sektoru mogu biti označena istim brojevima 1 do «N».

U slučaju da na takmičenju u okviru Premijer lige, ili napr: KUP-a BiH na istoj stazi odvija se takmičenje za više kategorija (seniori, seniorke) onda na stazi razmak između kategorija mora biti minimalno 10 metara.

2. SISTEM SPORTSKO-RIBOLOVNIH TAKMIČENJA

2.1 ORGANIZACIJA PREMIJER LIGE SENIORA

Član 9.

Premijer liga u disciplini „Ulovu ribe udicom na plovak“ je pojedinačno takmičenje sportskih ribolovaca i organizuje se u skladu sa sistemom sportsko ribolovnih takmičenja u BiH. Pravo učešća u Premijer ligi imaju pojedinci koji su svoj plasman ostvarili na izbornim entitetskim takmičenjima, Prvenstvima SRS RS, Prvenstvu SRS Federacije BiH i Prvenstvu DB.

Starosna granica za kategoriju seniora-ki je preko 23 godina i do 60 godina starosti. U premijer ligi seniora, mogu nastupiti i juniori iz dobne starosti U-18 i U-23, ako su članovi društva za koje nastupaju i imaju suglasnost TK SRS BiH.

Premijer Liga broji najmanje **24 pojedinaca**, a formira se tako u istoj participira postojeći broj takmičara, koji se sad usklađuje sa odredbama ovog Pravilnika.

U Premijer ligi ostaje 13 takmičara, a iz lige ispada 11 takmičara, a ligi popunjavaju 5 takmičara po plasmanu sa Entitetskih prvenstava i 1 po plasmanu sa prvenstva SRS DB. U slučaju da se ne prijavi pojedinac iz DB, popuna se vrši iz onog Entitetskog saveza gdje je 6 takmičar po plasmanu ostvario bolji sektorski plasman.

Član 10.

Premijer liga SRS BiH organizuje se načelno u najmanje tri kruga sa po dva kola (subota / nedjelja), takmičenje traje 4 sata za seniore, a ako se prijavi manji broj takmičara od predviđenog (23), nakon poziva Komesara lige, liga za tu godinu se provodi kao Otvoreno prvenstvo BiH za tu kategoriju, s tim da prvih 12 takmičara zadržava za narednu godinu status članova Premijer lige.

Promjene termina takmičenja ili eventualnu odgodu takmičenja iz opravdanih razloga može samo vršiti TK SRS BiH uz konzultacije sa domaćinom i Komesarom lige, a što se mora odmah objaviti na WEB SITE I FB portalu SRS BiH, a E-mailom i pismenim putem obavijestiti SRD odakle su takmičari.

2.2. ORGANIZACIJA PRVE LIGE

Član 11.

Prva liga u ulovu ribe na plovak je ekipno takmičenje. Ligu sačinjavaju **9** ekipa i to u principu po 4 iz Entitetskih saveza i jedna(1) ekipa iz Distrikta Brčko.

Prva liga SRS BiH organizuje se u dva kruga sa po dva kola (subota / nedjelja) ili kako to odluči TK SRS BiH u cilju što kvalitetnije pripreme ekipe za odlazak na Svjetsko prvenstvo klubova, a takmičenje traje 4 (četiri) sata. Plasman u Ligi zadržavaju prve **4** ekipe po plasmanu, a ostale ispadaju iz lige. Liga se popunjava sa po **2** ekipe sa entitetskih takmičenja **(2+2) i 1** ekipa iz Distrikta Brčko. Ako se nije prijavila ekipa iz Distrikta Brčko, parvo nastupa ima ona ekipa sa Entitetskih takmičenja ima bolji zbir sektorskih plasman na entitetskom prvenstvu ili prvenstvu DB..

Član 12.

Sva društva/ klubovi SRD članice prve lige SRS BiH dužni su svoju prijavu poslati Komesaru lige elektronskim putem, a Savezu BiH poštom do 1.aprila/travnja tekuće godine, radi provjere podataka. Svi takmičari moraju imati takmičarsku knjižicu i biti članovi SRD za koje se takmiče. Na međunarodnim nastupima ekipa može imati u svom sastavu 1 stranca koji mora imati privremeni boravak u BiH, što dokazuje putovnicom, potvrdom o radu ili drugim dokumentom.

Provjere tačnosti podataka vrše Komesar lige, a Delegat takmičenja na licu mjesta prije početka takmičenja. Za klub mogu nastupiti kod ekipnih takmičenja i juniori U-18 i U-23 čiji broj u ekipi ne može biti veći od 2(dva).

2.3 ORGANIZACIJA PREMIJER LIGE SENIORKI

Član 13.

Premijer liga u „Ulovu ribe udicom na plovak“ za kategoriju seniorki je pojedinačno takmičenje sportskih ribolovaca i organizuje se u skladu sa sistemom sportsko ribolovnih takmičenja u BiH. Pravo učešća u Premijer ligi imaju takmičarke koje su svoj plasman ostvarili na izbornim entitetskim takmičenjima, Prvenstvima SRS RS, Prvenstvu SRS Federacije BiH i PRVENSTVU DB.

Starosna granica za kategoriju seniora-ki je preko 23 godina starosti do 60 godina

Premijer Liga broji najmanje **15** seniorki, a formira se tako u istoj participira postojeći broj takmičarki, koji se sad usklađuje sa odredbama ovog Pravilnika. Takmičenje u ligi traje 3 (tri) sata.

Iz Premijer ligi ostaje **8** takmičarki, a iz lige ispada 7 takmičarki. LIGA se popunjavaju 3 takmičarke po plasmanu sa Entitetskih prvenstava i 1 po plasmanu sa prvenstva SRS DB. U slučaju da se ne prijavi takmičarka iz DB, popuna se vrši iz onog Entitetskog saveza gdje je 4 takmičarka po plasmanu ostvarila bolji zbir sektorskih plasmana, što provjerava i utvrđuje Komesar lige.

Kod ekipnog takmičenja broj juniorki u ekipi ne može biti veći od 2(dvije)

2.4. ORGANIZACIJA PREMIJER LIGE ZA KATEGORIJE U-14, U-18, U-23

Član 14.

Premijer lige u „Ulovu ribe udicom na plovak“ za kategorije kadeta i juniora (6 liga 3 x 2)) je pojedinačno takmičenje sportskih ribolovaca i organizuje se u skadu sa sistemom sportsko ribolovnih takmičenja u BiH. Pravo učešća u Premijer ligi imaju takmičari i takmičarke koje ispunjavaju starosne uslove, a svoj izborni plasman su ostvarili na entitetskim takmičenjima, Prvenstvima SRS RS, Prvenstvu SRS Federacije BiH i Prvenstvu DB.

Starosna granica za ove kategorije su slijedeće:

U-14 (stariji od 10 godina i mlađi do 14 godina do **31. decembra/prosinca** u godini koja prethodi prvenstvu

U-18 (ispod 18 godina starosti na dan **31. decembra/prosinca** u godini koja prethodi prvenstvu.

U-23 ispod 23 godine starosti do **31. decembra/ prosinca** u godini koja prethodi prvenstvu.

Kod ekipnih takmičenja jedan ili više takmičara može sudjelovati u kategoriju U18, također jedan ili više takmičara U-18 mogu sudjelovati u U-23 kategoriji.

Član 15.

Svaka od liga navedenih u članu 14. Ovog Pravilnika mora da broji minimalno **9 takmičara**, da bi se organizirala kao liga, a takmičenje traje 3 (tri) sata. U protivnom, ako se Komesaru lige ne prijavi dovoljan broj takmičara, takmičenje se za kategoriju gdje je to slučaj, organizuje kao Otvoreno prvenstvo BiH i to kroz 2 kruga po 1 kolo takmičenja, radi dobivanja plasmana i obrazovana reprezentacije Kadeta i Juniora.

Ligu svake godine napušta po **5 takmičara** ili takmičarki, a popuna se vrši sa entitetskih Prvenstava iz sa po 2 takmičara i 1 takmičara sa Prvenstva SRS DB, po boljem plasmanu, ne računajući moguće plasmane već plasiranih takmičara/takmičarki u navedenim ligama. Ako neki plasirani takmičar/takmičarka odustane od takmičenja, popunjava mjesto naredni plasirani u toj ligi Entitetskog takmičenja. Ako se ne prijavi takmičar iz Distrikta Brčko popuni vrše takmičar ili takmičarka iz Entitetskog saveza koji ima bolji zbir sektorskih plasmana.

2.5. ORGANIZACIJA OTVORENOG PRVENSTVA VETERANA U-60

Član 16.

Ova liga-takmičenje u disciplini u „Ulovu ribe udicom na plovak“ za kategoriju takmičara-VETERANI, je pojedinačno otvoreno takmičenje sportskih ribolovaca i organizuje se u skladu sa sistemom sportsko ribolovnih takmičenja u BiH. Pravo učešća u Premijer ligi imaju pojedinci koji imaju **preko 60 godina** starosti 31. decembra/prosinca u godini koja prethodi organizaciji prvenstva

Član 17.

Otvoreno prvenstvo veteran organizuje se u najmanje 2 kruga takmičenja (subota ili nedjelja) sa po jednim kolom koje traje 4 sata. Odluku o većem broju kola može donijeti samo Takmičarska komisija SRS BiH i to u slučajevima kada se odluči da reprezentativna selekcija u ovoj godini nastupa slijedeće godine na svjetskom prvenstvu i treba omogućiti više kola radi izbora reprezentacije.

2.6. ORGANIZACIJA KUPA SRS BIH

Član 18.

KUP BiH za kategoriju seniora i seniorki organizuje se svake godine načelno u drugoj suboti ili nedjelji, augusta (kolovoza) mjeseca, za kategorije seniora i seniorki Lovu ribe udicom na plovak.

Član 19.

Pravo nastupa na KUP-u SRS BiH u ulovu ribe na plovak imaju klubovi-ekipe koje su svoj plasman ostvarile na održanim Entitetskim KUP takmičenjima te na u KUP takmičenju DB, sto dokazuju dnevnikom provedenih takmičenja koje Entitetski savezi moraju dostaviti Komesaru KUP takmičenja. Na KUP-u BiH pravo nastupa ima po **5 ekipa** seniora i **3 ekipe** seniorki sa entitetskih KUP takmičenja i po **1 ekipa** seniora i seniorki sa KUP-a Distrikta Brčko ili ukupno seniorskih ekipa (**6+6+1**) i ukupno

ekipa seniorki **(3+3+1)** Ako se iz nekog entiteta ne prijavi predviđen broj ekipa, pravo nastupa ima isti broj ekipa iz drugog entiteta, ali samo za tu godinu.

Član 20.

Ekipe čine 3 +1 takmičar i 1 vođa ekipe u svakoj kategoriji. Za KUP natjecanja u svakoj kategoriji može nastupiti za ekipu ukupno dva juniora iz dobnog uzrasta U-18 ili U-23, a takmičenja traju 4 sata.

3. OPŠTA PRAVILA TAKMIČENJA – ZA POJEDINCE I EKIPU

Član 21.

Takmičiti se mogu pojedinci ili ekipe koji su registrovani na vrijeme kod Komesara lige, imaju ovjerenu takmičarsku knjižicu od strane Komesara lige, a čija su društva ili entitetski savezi prema SRS BiH ispunili do početka takmičenja sve obaveze, prije svega financijske.

Član 22.

U slučaju ekipnog takmičenja u dva ili više kola kada ekipa ima pravo zamijeniti jednog ili više članova, isto to može uraditi samo sa takmičarom koji je prijavljen na početku takmičenja da će se takmičiti i mora biti uredno registrovan za tu ekipu. U toku jedne takmičarske sezone takmičar se može takmičiti samo za jednu i biti registrovan samo za jednu ekipu.

Ovo pravilo važi za sve kategorije takmičenja.

Takmičiti se u tekućoj godini ne može član čije društvo prema entitetskom Savezu ili Savezu DB, za prethodnu godinu nije izmirilo obaveze po pitanju članarine.

Za ekipu se ne može takmičiti član za koga nije ovjerena takmičarska knjižica za tekuću godinu.

Takmičar koji je diskvalifikovan ili nije nastupio dobija +1 poen iza posljednjeg u sektoru (koji je pun)

Postupanje suprotno odredbama ovog člana povlači disciplinsku odgovornost takmičara i ekipe i moguću odgovornost odgovornih osoba na provođenju SRT.

3.1. SASTANAK VOĐA-KAPITENA-TRENERA EKIPA

Član 23.

Sastanak kapitena ekipa na takmičenjima održava se u predvečerje takmičenja ili prije samog takmičenja kako je naznačeno u satnici takmičenja, odnosno prije izvlačenja startnih brojeva. Njime rukovodi Glavni sudija uz obavezno prisustvo delegata, Komesara / Sekretara takmičenja, predstavnika domaćina i svih kapitena ekipa..

Sastanak ima informativni karakter i na njemu se vrši prozivanje ekipa i pojedinaca, bira žiri takmičenja od 5 članova, vrši pojašnjavanje propozicija, te vrši redosljed izvlačenja sektora za takmičare. U slučaju ne prisustvovanja kapitena neke ekipe iz bilo kojih razloga, a ekipa je došla na mjesto takmičenja, izvlačenje će u njegovo ime izvršiti delegat ili drugi ovlašteni predstavnik ekipe.

Izvlačenje ekipa kod ekipnog i pojedinačnog takmičenja vrši se abecednim redom, kako bi se odredio redosljed za izvlačenje startnih brojeva za prvi dan takmičenja. Drugog dana takmičenja redosljed izvlačenja će se obrnuti. Ekipa koja je prvog dana izvlačila kao prva, drugog dana će izvlačiti kao posljednja. Nakon ovog vrši se izvlačenje samo za sektore (A,B,C, i sl.) za svakog takmičara svake ekipe

Na sastanku se analizira satnica takmičenja i zahtijeva njeno striktno pridržavanje od strane svih učesnika takmičenja. Svim zainteresovanim, učesnicima predstojećeg takmičenja na prikladan način omogućiti uvid u satnice, dodatna pravila takmičenja, a svim učesnicima i ostale podatke vezane za takmičenje koji su relevantni i trebaju pojedincima i ekipama.

Svim takmičarima i vođama ekipa se po mogućnosti daje satnica takmičenja u pismenom obliku. u kojoj su navedeni načini i tehnika lova, ograničenja ulova pojedinih vrsta ribe itd.

3.2. ŽRIJEBANJE STARTNIH BROJEVA

Član 24.

Žrijebanje startnih brojeva za svaki dan takmičenja mora se obaviti najkasnije 180 minuta prije početka takmičenja, pod kontrolom organizatora Glavnog sudije i Delegata takmičenja.

Dodjela sektora za dva dana takmičenja za 5 takmičara, mora biti određeno žrijebanjem startnih mjesta, dan koji prethodi svakom sektoru, kao što se to radilo i prije.

Prije početka izvlačenja startnih brojeva, sekretar takmičenja uz pomoć Delegata dužan je izvršiti provjeru prijavljenih ekipa, kao i identitet članova ekipe i pojedinaca.

Eventualne promjene u sastavu ekipa, kapiten ekipe dužan je objaviti najkasnije kod provjere iz prethodnog stava. Nakon završenog žrijeb redosljed izvlačenja, žrijeba sektora na kraju se pristupa žrijebu startnih brojeva (kombinacija).

Kod ekipnih takmičenja, prilikom žrijebanja ekipe se ne raspoređuju ravnomjerno (svi isti broj) nego se umjesto žrijebanja za svaki sektor posebno, raspored pravi pripremljenom kombinacijom za ekipe, te jednim izvlačenjem dobiju startni brojevi za cijelu ekipu koji obezbjeđuju ujednačen raspored, kao i to da jedna ekipa ne može imati više prvih ili posljednjih startnih mjesta u sektorima, koji mogu biti i odvojeni. Kod takmičenja u više kola, obezbjeđiti da prava prvog i posljednjeg startnog mjesta imaju sve ekipe ili pojedinci sve dok ima onih koji to pravo nisu iskoristili.

U slučaju da se takmičenje odvija u dva kola (subota i nedjelja) važi isti princip, s tim da će se izvlačenje za drugi dan izvesti obrnutim redosljedom izvlačenja.

U slučaju da svi sektori nisu jednako popunjeni zbog nekompletnosti ekipa ili učešća pojedinaca, onda sudije njima dirigovano određuju mjesta načelno u sredini, vodeći računa da sektor A mora biti popunjen, a razlika u broju takmičara u sektorima ne bude veća od 1.

Član 25.

Vođe ekipa dobivaju startne brojeve za svakog člana ekipe (brojevi se postavljaju na leđa takmičara). Ovi brojevi ne smiju imati na sebi nikakvu reklamu, osim u slučaju da je to odobreno od strane SRS BiH. Ako je reklama bila odobrena, mora biti u skladu čl.86.Pravilnika

Startni brojevi koje nose kapiteni su zelene boje, a rezerva nosi crveni startni broj. Startni brojevi za natjecanje mogu biti u različitoj boji za svaki sektor (osim crvene i zelene) ili su neutralne boje sa različito obojenim tekstom za svaki sektor.

4. PRIBOR ,PRIMAMA I PONAŠANJE UČESNIKA TAKMIČENJA

Član 26.

Takmičenje se obavlja slijedećim priborom:

a/ štap slobodnog izbora sa ograničenjem na najveću dužinu kako slijedi:

Najveća dozvoljena dužina štapova je:

a) za seniore	13,0	metara
b) za seniorke.....	11,5	metara
c) za juniore mlađi od 20 godina.....	11,5	metara.
d) za kadete mlađe od 15 godina.....	10,0	metara

Bez obzira na ova ograničenja dozvoljen je lov ribe upotrebom štapa sa čekrkom

Provjera dužine, svim takmičarima, po potrebi, se može izvršiti u vrijeme pripreme, kod kontrole pribora i hrane ili u bilo koje vrijeme tokom takmičenja. U slučaju veće dužine, takmičar se diskvalificira.

Svaki takmičar može pri ruci imati neograničen broj štapova, ali tokom takmičenja smije loviti samo sa jednim.

b/ Konac-najlon je slobodnog izbora

c/ plovak-slobodnog izbora, pričvršćen na koncu ili takozvani klizeći plovak,

d/ udica-jedna jedno kuka slobodnog izbora

Sistem mora biti tako montiran da osnovno olovo ne smije leći na dno i time spriječiti da plovak slijedi vodenu struju. Opterećenje ne smije preći nosivost plovka. Dozvoljena težina olova koje može da leži na dnu je max. 10% od težine osnovnog olova.

e/ mrežu čuvaricu –prečnika min. 40 cm , najmanje dužine 3 m ,koja za vrijeme takmičenja treba ležati što više u vodi. Mreže se stavljaju u vodu u toku pripreme a nakon kontrole pribora i odobrenja sektorskog sudije. Ribe se moraju držati žive u čuvarici

f/ Meredov slobodnog izbora koji može koristiti samo takmičar i pomoćnik ako mu je dozvoljeno pravilima FIPS ed.

Član 27.

Svaki takmičar će imati 120 minuta za pripremu. Po dolasku na lice mjesta (startno mjesto) mora staviti na leđa startni broj i položiti svoje stvari u dodijeljeni box bez ulaska u isti. Nije dozvoljeno pripremati ništa sve dok se ne označi oficijelni start, koji znači da takmičar može ući u startno mjesto-box. Tokom vršenja priprema za takmičenje, takmičaru može pomagati pomoćnik - osoba iz njegovog tima, koja mora biti prijavljena za taj zadatak u za to određenom obrascu. Sav materijal će biti proslijeđen takmičaru do početka kontrole hrane i pribora, ali samo kroz pomoć lica zaduženog za to. Poslije signala za kontrolu hrane i pribora, strogo je zabranjeno vršiti snadbijevanje takmičara bilo kakvom vrstom mamaca, kao i ostalom opremom za takmičenje, osim dostavljanja zamjene za polomljene i oštećene dijelove opreme, koji mogu biti samo zamijenjeni kroz angažman lica predviđenog za to uz prethodno odobrenje sektorskog sudije.

Član 28.

Hrana za primamljivanje treba da se sastoji samo od prirodnih supstanci. Isto važi za eventualna sredstva za opterećivanje (kamen, pijesak, zemlja). Upotreba svih vrsta košarica i mrežica za ulagnje hrane zabranjena je bez obzira na vrstu materijal od kojeg je napravljena. Samo rukom je dozvoljeno formirati kugle hrane.

Ukupna dozvoljena količina navlažene hrane je 17 litara (za Kadete, Juniore ,Seniorke i Veterane, a 20 litara za Seniore pojedinačno i ekipono uključujući dodatke (zemlja, šljunak, kukuruz, pšenica, konoplja i dr.) a ovu količinu za svako takmičenje može promijeniti samo Komesar lige u dogovoru sa domaćinom takmičenja, TK SRS BiH, pod uslovom da se ranije objavi u satnici takmičenja.

Ukupna dozvoljena količina živih mamaca je 2,5 litara od čega najviše 1 lit. fuja i ver de vasa zajedno. Poslije kontrole hrane (koja slijedi cca nakon 1/3 vremena za pripremu) višak hrane (preko 10% se kažnjava diskvalifikacijom) se odstranjuje izvan startnog mjesta i ne toleriše se naknadno uzimanje i dodavanje.

Treneri i pomoćnici mogu pripremati hranu takmičarima van boxa do vremena predviđenog za kontrolu. Hrana se kontroliše u rastresitom stanju navlažena i prosijana. Kugla se smije praviti tek poslije kontrole. Mamci se mogu miješati sa hranom tek poslije kontrole. Kontrolu sprovodi obavezno sektorski sudija, ili još jedan član koga odredi Glavni sudija.

Organizator može ograničiti količinu hrane za primamljivanje, uz saglasnost selektora i trenera reprezentacije ,ali to mora objaviti najmanje 15 dana prije početka takmičenja WEB SITE ili pozivima upućenim takmičarima i ekipama. Ukoliko takmičar pripremi manje hrane (napr 10 lit) ima pravo zadržati u boxu, kao rezervu, još onoliko hrane koja će poslije vlaženja dopuniti razliku do 17 (20) litara(napr. 2,5 lit suhe hrane) i koju smije pripremati u toku takmičenja.

Tokom kontrole hrana i mamci moraju biti predstavljeni i pokazani u za to određenim posudama (kutijama) koje su baždarene i određene kroz službene dimenzije.

Takmičari su obavezni da sami nabave vlastite gradirane, posude za hranu za primamljivanje i posude ili kutije za mamce, odgovarajućih veličina, osim ako iste svi takmičari nisu dobili od organizatora takmičenja. Takmičar mora obavezno prisustvovati kontroli količine mamaca i hrane za primamljivanje ribe. Takmičau kom nije izvršena kontrola hrane, ne može početi sa takmičenjem .

Član 29.

Za lov ribe udicom na plovak dozvoljena je upotreba svih prirodnih mamaca osim:

- varalica (binker) živih i mrtvih ribica, ikre, kruha, vještačkih mamaca, i mitacije crva, ver de vas gliste vještačkih mušice i slično.
- Zabranjeni su : ribolov na dnu sa ili bez olova, i špinjanje povlačenje.

- *Zabranjen je lov s namjerom takmičara da ribu zakači za tijelo (raubovanje). Riba slučajno zakačena na drugo mjesto, a ne ustima , broji se kao ulov.*
- *Takmičar koji na vagu donese teško oštećenu ribu biti će kažnjen sa žutim kartonom.*

Član 30.

Prostor svog startnog mjesta takmičar može koristiti po sopstvenoj volji, da se kreće, da stoji, kleči ili sjedi, ne ometajući pri tome susjedne takmičare bukom, glasnim komentarisanjem, kretanjem ili slično.

U neutralnu zonu (ako je postavljena) koja se nalazi lijevo i desno od njegovog startnog mjesta ne smije ulaziti niti u njoj hraniti niti loviti ribu.

Riba koja se pokazala na površini a uhvaćena u neutralnoj zoni ili u susjednom takmičarskom mjestu kada je ustanovljen i dosuđen fish out neće biti bodovana nego se mora vratiti u vodu . U slučaju da takmičar ovo odbije i stavi ribu u svoju mrežicu dobit će žuti karton, a ulovljena najveća riba iz njegove mrežice će se posebno izvagati i dobijena vrijednost oduzeti od ukupnog ulova tog takmičara.

S dopuštanjem oba takmičara i sudije, neutralnu zonu mogu koristiti fotografi i kamermani, s tim da njihovo vrijeme boravka u istoj ne može biti duže od 15 minuta.

Ako nema neutralne zone, onda sva ograničenja važe za startno mjesto susjednih takmičara, s tim da fotografi i kamermani, poslije odobrenja, smiju ući u box i prići najbliže 2 metra do takmičara (radi ometanja takmičara).

Za vrijeme takmičenja takmičaru se zabranjuje ulazak u vodu osim da dohvati puknuti dio štapa.

Također je zabranjeno bacanje ostataka hrane i mamaca u vodu nakon završenog takmičenja i treninga.

Član 31.

Mreža za čuvanje ribe mora biti tako postavljena da je sudije mogu vidjeti. Riba u njoj mora se držati živa, sve do dolaska ekipe za vaganje.

Nije dozvoljeno koristiti mrežu u koju riba može ulaziti sama.

Član 32.

Za korištenje nedozvoljenog pribora ,posebno otežanja olovom, ili korištenja indikatora ulova pričvršćenih na najlon, puštanja plovka da leži i nakon opomene, vrhovni sudac na prijedlog sektorskog sudca mora obavezno izreći diskvalifikaciju odnosno dodijeliti crveni karton takmičaru.

Član 33.

Takmičari moraju poštivati minimalne mjere ulova propisane Zakonom o slatkovodnom ribarstvu entiteta ili DB, na čijoj se teritoriji održava takmičenje. Te veličine i eventualna odstupanja moraju biti određeni tokom sastanaka, vođa ekipe ili naznačena u satnici koja se objavljuje na WEB SITE prije samog takmičenja.

Svaki takmičar koji povrijedi ribu prilikom vaganja biti će za to sankcionisan-kažnjen.

Član 34.

Od svakog takmičara i vođe ekipe se traži poštivanje pravila takmičenja u suprotnom biti će sankcionirani prema ovom Pravilniku i odredbama Pravilnika o disciplinskoj odgovornosti.

Član 35.

Sastav hrane za primamljivanje i mamaca uopšte treba biti prirodnog porijekla. Zabranjeno je posjedovati ili koristiti mamce koji su metalnog porijekla. Umjetni mamci kao što su imitacije cvrčaka, svilenih buba, glista , crva su zabranjeni, kao i postavljanje na udicu sirove ili mrtve ribe.

Višak hrane koji je veći od dozvoljenog, kao i hrane preostale nakon takmičenja a koju posjeduje takmičar, ne smije se bacati u vodu poslije treninga ili završetka zvaničnog takmičenja.

Član 36.

Ukupna masa osnovnog olova ne smije ni u kom slučaju leći ili se nalaziti na dnu (osim u slučaju slijepih takmičara). Najviše 10% od ukupne mase osnovnog olova može leći na dno a provjera se vrši na

osnovnom olovu. U slučaju lova na mjestima gdje je struja jača, plovak mora biti postavljen tako da ne narušava prirodnu progresiju vodene struje.

U slučaju da sudija ili član žirija tokom obilaska sektora primjeti ili je pozvan, ima pravo i mogućnost da zahtjeva kontrolu ribarske linije (lova na dno) ili da izmjeri dužinu takmičarskog štaba bez čekanja da se takmičenje završi.

U ovom slučaju takmičaru je zabranjeno da vrši bilo kakve popravke ili modifikacije njegovog sistema (pozicija plovka, varijacija na težini plovka, oštećenje ili potpuno skidanje plovka, uključujući i kidanje). Ako takmičar dovede u pitanje ove aktivnosti ili odbije da prihvati kontrolu, član žirija izvještava žiri.

Član 37.

U lovu sa ŠTEK-štabom sistem se može štopati neograničeno a u slučaju sumnje lova na dno sudija naređuje provjeru da bi se ustanovilo da li plovak slijedi vodenu struju. Provjera se vrši odmah i takmičar ništa ne smije mijenjati na sistemu, jer u suprotnom slijedi diskvalifikacija.

Član 38.

Uhvaćena riba je valjana čak i ako je slučajno zakačena van usta. Hvatanje i vađenje ribe neugodnog mirisa je zabranjeno. Posjedovanje i korištenje eho sonara je zabranjeno.

Član 39.

Trener ili vođe ekipa imaju pravo i ovlašteni su da pristupe kod takmičara svog tima da bi mu dali savjete i mogu neograničeno dugo boraviti u boksu sa njim. Samo jedan od njih može biti u boksu istovremeno sa takmičarom. Vođi ekipe ili treneru nije dozvoljeno da ulazi u boks takmičara koji nije član njegove ekipe. Samo je u kategoriji U-14 dozvoljeno, da registrirani i prijavljeni trener-pomoćnik može sjediti pored takmičara/ ke u startnom mjestu i pomagati po propisanim pravilima.

Član 40.

Platforme najvećih dimenzija 1x1 m su dozvoljene da bi takmičar stajao ili sjedio na istim. One moraju biti postavljene u pravoj liniji, van vode, a ako je neophodno samo djelimično u vodi (ova odluka se donosi na zahtjev organizatora, a uz odobrenje TK SRS BiH). Dodatne platforme mogu biti postavljene u pravoj liniji sa glavnom platformom, od montažnog materijala, tako da kasnije ista može biti uklonjena sa staze.

U slučaju da ima potrebe da se izvrši poravnanje površine za sve takmičare, duž mjesta takmičenja, tako da bi svi imali jednake uslove takmičenja (bili svi na istoj udaljenosti od vode) isto će biti urađeno i završeno prije no što starta trening za takmičare.

5. PRIPREMA ZA TAKMIČENJE I IZVOĐENJE TAKMIČENJA

TRENING

Član 41.

Službeni trening se mora održati na mjestu održavanja službenog takmičenja. Ako je takmičenje u dva kola subota i nedjelja, trening se održava u petak prema utvrđenoj satnici koja je ranije objavljena. Domaćin je obavezan da svim takmičarima omogući trening na stazi za takmičenje.

Na svim takmičenjima, za pripremu , takmičar mora imati na raspolaganju 60 minuta, a najviše 120 minuta. Ako se svim takmičarima obezbijede platforme onda se na ovo vrijeme dodaje i vrijeme potrebno za njihovo montiranje i postavljanje.

Zvanično mjesto treninga treba da omogući slijedeće:

- Staza za takmičenje mora biti zatvorena za slobodan lov tokom treninga i takmičenja , također 50 metara uzvodno i nizvodno od takmičarske staze ne smije se loviti (uključujući i suprotne obale ako se radi o rijekama i kanalima),
- Za trening se mora navesti precizna satnica. Svaki sektor ce imati adekvatne pozicije, na primjer sektor „A“ biti će brojevi A1, A2, A3, A4 ili sektor „B“ , B1, B2, B3, B4 itd.
- Trening se u principu održava prije i poslije podne.
- Samo je jedna seansa teškog hranjenja dozvoljena na početku prijepodnevnog treninga, prema količini koju odredi organizator takmičenja, vodeći pri tom računa o uticaju na floru i faunu.

- Fotografi i kamermani TV Ekipa, imaju pravo pristupa u neutralnu zonu (ako one postoje) i ako su tu sa odobrenjem sudca. Svakako oni nemaju dopuštenje da idu do linije postavljene 2 metra iz linije takmičara. Ova linija mora biti osigurana od strane organizatora.

TIJEK TAKMIČENJA

Član 42.

Čim su nakon ždrijebanja od svog kapitena dobili startne brojeve, takmičari mogu otići na takmičarsku stazu, ostaviti svoje stvari u unutrašnjem ograđenom dijelu startnog mjesta - boxa, ali

ne mogu još ulaziti u isti. Na trenirci ili takmičarskom odijelu moraju vidno postaviti oznaku startnog broja . Jedna ili više osoba mogu pomoći takmičaru kod transporta pribora i hrane do startnog mjesta, ali i za njih važi zabrana ulaska u ograđeni prostor. Pribor ne smije biti montiran, a hrana za primamljivanje mora biti u rastresitom stanju (ne smiju biti formirane kugle i sl. ali može biti navlažena. Kojom će se tehnikom loviti odlučuje selektor i trener reprezentacije BiH.

PRVI SIGNAL se daje kada i posljednji takmičar stigne do svog startnog mjesta i on označava početak pripreme, a daje ga Vrhovni ili Glavni sudija pištaljkom ili megafonom ili sl.

Signal je kratak i za sve je mjerodavan početak starta. Poslije ovog signala je dozvoljen ulazak na startno mjesto i takmičar može da počne sa montiranjem pribora, pripremom hrane i mamaca, postavljanjem mreže čuvarice, mjerenjem dubine, čišćenjem terena i drugim pripremanjima.

Za mjerenje dubine i hranjenje nije dozvoljeno koristiti duži štap od dozvoljenog.

Sudija i pomagač imaju pravo pomoći takmičaru samo u slučaju zaštekavanja i loma pribora .

Takmičar sve mora pripremati sam bez pomoći sa strane sa izuzetkom pomoći kod pripreme hrane van boxa od strane pomoćnika do vremena za kontrolu hrane i pribora (osim takmičara kojima je dozvoljena pomoć).

Pribor u kome takmičar priprema hranu ne smije se u toku pripreme prati u vodi u kojoj se odvija takmičenje, niti takmičar smije gaziti po vodi u okviru startnog mjesta.

Dozvoljena je pomoć trenera ili pomagača za posebno namještanje platforme i stolice (radi sigurnosti) pogotovo, ako je teren klizav, strm, kamenit ili slično .

DRUGI SIGNAL se daje 5 minuta prije početka kontrole mamaca i hrane za primamu. Kontrola mamaca i hrane za primamu uvijek počinje od startnog broja 1 u svakom sektoru i to 1 sat i 10 minuta prije primamljivanja (obilnom) teškom hranom.

TREĆI SIGNAL je početak kontrole primame i mamaca.

ČETVRTI SIGNAL Nakon trećeg signala takmičarima je dozvoljeno da počnu sa obilnim prihranjivanjem, zašto im je dozvoljeno 10 minuta. U okviru tih 10 minuta, takmičarima je dozvoljeno da namamljuju ribu većim količinama hrane, tako da se oblikuju veće grudve (isključivo rukom)

kugle-lopte i takve bacaju na željeno mjesto u svom prostoru za ribolov. Da bi se tako pripremljena hrana što duže zadržala na željenom mjestu, dopuštena je upotreba otežavajućih sredstava (kamen, pijesak, zemlja,), ali nije dopušteno ulaganje u mrežice ili košarice, bez obzira na vrstu materijala.

Nakon isteka vremena za prihranu (10 minuta) preostale kugle teške hrane se moraju rasformirati što će provjeriti sudija.

Također nije dopuštena upotreba signala ili biljega koji bi obilježavao mjesto na kome je hrana. Takmičar ima pravo zbaciti štap sa sistemom bez mamaca radi preciznog hranjenja rukom ili pračkom na mjesto lova sa svakom tehnikom, to jest na različitim daljinama.

PETI SIGNAL označava početak takmičenja. Nakon četvrtog signala dozvoljeno je prihranjivanje samo laganom hranom koja se formira isključivo jednom rukom, odnosno samo uz pomoć druge ruke prilikom upotrebe pračke ili lijepljenih crva. Kod formiranja kugli jednom rukom ne smije se pritiskati hrana uz kantu, bok ili slično. Kugle za laganu prihranu ne smiju biti formirane prije (4. signala) početka takmičenja.

ŠESTI SIGNAL se daje pet minuta prije završetka takmičenja kao upozorenje da je takmičenje pri kraju.

SEDMI SIGNAL označava kraj takmičenja. Nakon tog signala takmičari su dužni da prekinu sa ribolovom i da izvade pribor iz vode. Riba izvađena nakon ovog signala se ne bode i vraća se u vodu osim ako je upecana riba u momentu sviranja kraja u potpunosti bila izvan vode.

VAGANJE RIBE – ULOVA

Član 43.

VAGANJE- mjerjenje ulova je vrlo bitna faza sportsko ribolovnih takmičenja, te je obaveza domaćina i organizatora da obezbijede dovoljan broj vaga (najmanje jedna vaga za jedan sektor na državnim takmičenjima plus jedna rezerva vaga. U pravilu jednom vagom mora biti izvagan cio jedan sektor. Ako je takmičenje do 35 takmičara vaganje se obavlja jednom vagom za sve takmičare na stazi. Za veći broj do 50 takmičara obavezne su dvije vage od kojih jedna vaga 3 a druga 2 sektora. U tu svrhu prije početka takmičenja Glavni sudija imenuje ekipu za vaganje koja broji 3 člana od čega je jedan Sektorski sudija iz sektora koji se vaga.

Sam postupak vaganja se obavlja vrlo pažljivo, ali organizovano tako da se vaga postavlja između 2 startna mjesta. Takmičari donose svoje čuvarice i uz pomoć **vagara** istresaju ribu u mrežu za vaganje, koja je ranije tarirana pa se nakon potpunog umirenja očitava i glasno saopštva težina ulova, što sektorski sudija evidentira u startni list takmičara. Sudija daje takmičaru startni list na potpis, nakon čega se riba u čuvarici takmičara ponovo vraća uvodu i čeka završetak vaganja za cijeli sektor.

Ako nakon vaganja ulova za sve takmičare u sektoru nema primjedbi riba se na glasno odobrenje sektorskog sudije pušta u vodu. Kada je vaganje ulova za sve takmičare u sektoru završeno, potpisom ovjerene startne liste, sektorski sudija lično ili po nekom startnom sudiji šalje hitno sekretaru takmičenja koji kontroliše ispravnost startnih lista i unosi podatke u Dnevnik takmičenja (ili računar) radi obračuna plasmana. Podaci u startnom listu ne smiju biti križani i bez potpisa. Svaka nula se obilježava prekrštenom crtom da ne bude zabune koji je to broj.

Član 44.

Sva službena takmičenja, ovisno o kategoriji, traju tri ili četiri sata, bez prekida. Izuzetno u slučaju jake elementarne nepogode takmičenje se može prekinuti u trajanju od najviše 60 minuta. Ukoliko se i nakon tog vremena ne mogu osigurati uslovi za normalan nastavak takmičenja, postignuti rezultati se obračunavaju , ako je prošlo najmanje 90 minuta takmičenja, a u protivnom takmičenje se odgađa i ponavlja. Posebnu pažnju sudije treba da obrate u slučaju nevremena sa grmljavinom, da zbog upotrebe grafitnih štapova koji su dobri provodnici električne energije odmah prekinu takmičenje, nareda odlaganje štapova i napuštanje takmičarske staze dok nevrijeme ne prođe.

Član 45.

Prilikom takmičenja, svaki takmičar je dužan se pridržavati važećih propisa o lovostaju i minimalnim dozvoljenim mjerama za pojedine vrste riba.

Organizator-domaćin takmičenja obavezan je u pozivu za takmičenje navesti na koje se vrste riba odnose propisi iz prethodnog stava.

6. SLUŽBENE OSOBE NA TAKMIČENJU

Član 46.

Ostali organi takmičenja organizuju se konkretno, kako to propisuju Pravilnici za tu disciplinu, a odnose se na formiranje prije takmičenja i toku takmičenja: Sudijskog kolegija, Žirija takmičenja, Forum lige, selektora reprezentacije, a kako je to propisano Pravilnicima za konkretnu disciplinu.

FORUM LIGE je savjetodavno tijelo, koje biraju članovi lige, sastavljeno od Komesara, selektora i nekoliko takmičara, koje nastupa u ime lige, sa prijedlozima za što bolje provođenje takmičenja, i nastupa reprezentacije na međunarodnim takmičenjima. Može ga imati svaka takmičarska liga, te može podržati, dati prijedlog i mišljenje, oko imenovanja komesar lige ,selektora i menadžera,preko TK.

Član 47.

Službene osobe na takmičenju, imenuje Takmičarska komisija SRS BiH uz puno poštovanje sudačkih rangova i iskazanih kvaliteta, to su:

- Delegata u ime SRS BiH (imenuje Upravni odbor SRS BiH) na prijedlog TK SRS BiH
- Vrhovnog sudiju imenuje Sudijska SRS BiH ili TK SRS BiH i u koliko ima više kategorija takmičara za svaku se određuje po jedan Glavni sudija
- Komesara -Sekretara / Tajnika imenuje TK SRS BiH
- Sektorske sudije 3 ili 5 imenuje TK SRS BiH na prijedlog sudijskih komisija entitetskih saveza .
- Startne sudije osigurava domaćin zavisno od broja prijavljenih takmičara.

Član 48.

SUDIJSKI KOLEGIJ ČINE:

- Glavni sudija
- Sektorske sudije
- Komesar - Sekretar/Tajnik takmičenja

Sudijski kolegij se sastaje po potrebi radi dogovora i striktnog provođenja pravila, usaglašavanja kriterija suđenja, usaglašava prijedloge izricanja disciplinskih mjera . O drugom ne odlučuje.

Član 49.

ŽIRI TAKMIČENJA

Žiri takmičenja čine:

- Delegat takmičenja,
- Glavni sudija,
- Komesar - Sekretar /Tajnik takmičenja,
- Sektorski sudac prvog sektora,
- Sektorski sudija trećeg sektora,

Član 50.

Članovi žirija moraju biti vidno označeni - imati akreditacije i moraju biti predstavljeni na početku takmičenja od strane vrhovnog sudije takmičenja. Mjesto gdje se nalazi jedan ili više članova žirija mora biti vidno označeno.

Član 51.

Žalbe žiriju mogu biti izrečene usmeno, ali se moraju dostaviti Žiriju u pismenoj formi najkasnije 30 minuta po završetku takmičenja.

Član 52.

Svako kršenje takmičarskih pravila, žalbe na klasifikaciju takmičara mora se prijaviti žiriju, koji je ujedno jedini zvanični autoritet, sa stvarnom vlašću koja može izvršiti diskvalifikaciju takmičara ili ekipe. Takmičar koji je predmet rasprave ili kazne o tome mora biti obaviješten, prije donošenja odluke a i o rezultatima zasjedanja po njegovoj disciplinskoj odgovornosti.

Član 53.

Svi članovi žirija moraju se uvjeriti da se Pravila poštuju i moraju pokazati perfektno poznavanje njihove primjene, te u svakom trenutku insistirati na njihovoj primjeni.

Žiri svoje odluke donosi većinom glasova, a u slučaju neodlučnog glasanja, presudnu ulogu uvijek u donošenju konačne odluke ima glas Delegata takmičenja.

Član 54.

Prigovori žiriju se najavljuju 15 minuta nakon objavljivanja rezultata, a pismena reklamacija se dostavlja za narednih 20 minuta uz uplatu 50 KM kaucije kod Sekretara/Tajnika takmičenja, koja će biti vraćena ako se utvrdi da je prigovor bio opravdan, u protivnom kaucija se uplaćuje u blagajnu SRS BiH.

Član 55.

Kada istekne vrijeme predviđeno za prigovore ,na zvaničnom mjestu (oglasnoj ploči) objavljuju se zvanični rezultati takmičenja potpisani od strane Glavnog sudije , Delegata i sekretara / tajnika takmičenja. Izuzetno pravo na reklamaciju na težinu ulova i plasman imaju učesnici u slučaju da se naknadno ustanovi pogrešno upisivanje, zbrajanje i obračun rezultata i to kada god se to ustanovi. Greške takve vrste se moraju ispraviti čak i kada to znači da priznanja moraju drugačije biti dodijeljena.

KOMESAR TAKMIČENJA

Član 56.

Komesar takmičenja je sudija ujedno i sekretar takmičenja, službena osoba na takmičenju, odgovorna na takmičenju Delegatu takmičenja i Glavnom sudiji, a u svim drugim prilikama TK SRS BiH.

Član 57.

U pripremama takmičenja i poslije takmičenja zadaci komesara takmičenja su slijedeći:

- Priprema satnicu takmičenja zajedno sa domaćinom i objavljuje u službenim glasilima SRS BiH
- Priprema i objavljuje spiskove takmičara i ekipa za lige za koje je zadužen, objavljuje podatke o prijavama, odustajanjima sa takmičenja, poziva eventualne zamjene ekipa i takmičara, vodi dnevnik takmičenja i iste dostavlja Takmičarskoj i Sudijskoj komisiji SRS BiH.
- Ustroj lige koju vodi mora izvršiti najkasnije 15 aprila tekuće godine.
- Vršiti promjene termina takmičenja ili eventualnu odgodu takmičenja za ligu koju vodi uz konsultaciju sa TK SRS BiH i o tome putem WEB SITE ili telefonski obavještava takmičare ili ekipe
- Vršiti pripremu podataka za žrijeb takmičenja i na samom takmičenju sa Glavnim sudijom obavlja žrijeb takmičara i ekipa,
- Vršiti provjeru podataka za lige iz članova 10,13, 15, i 17 ovog Pravilnika vrše Komesar lige i isti su dužni da objave Poziv takmičarima i društvima da se prijave za takmičenja u tekućoj godini izvrše registraciju , potvrde to pismeno Komesaru lige, a isti objavi podatke na WEB SITE , najkasnije do 15. aprila tekuće godine.

Spiskovi treba da sadrže tačna imena takmičara, ekipa, tko ima pravo nastupa, tko su zamjene u ligi, te kontakt podatke , u slučaju odustajanja nekog takmičara ili takmičarke.

- Potrebna administracija vodi se u principu na računalu , a ako to nije slučaj dnevnike, startne liste osigurava SRS BiH u suradnji sa domaćinom takmičenja a Komesar lige ih je dužan donijeti na Takmičarski stazu, kao i obračunate poslati u roku od 7 dana po završetku takmičenja.
- Komesar lige po završetku takmičenja dužan je poslati kraći Izvještaj sa fotografijama administratoru WEB SITE , radi promocije lige, takmičara i uspjeha koji su postigli.
- **Uz izvještaje Komesar lige/ sekretar je dužan dostaviti i original Dnevnike takmičenja TK SRS BiH u roku od 7 dana po završetku takmičenja.**

Član 58.

Svi takmičari i ekipe članovi Premijer lige BiH (pojedinačno) i Prve lige BiH (ekipno) te ekipe učesnice KUP-a BiH (ekipno takmičenje) dužni su poslati svoju prijavu organizatoru i Komesaru /sekretaru takmičenja), radi utvrđivanja preliminarne liste takmičara i ekipa. Rok za dostavu ove prijave je 30 dana prije održavanja takmičenja. Na sam dan takmičenja također ekipe trebaju dostaviti propisanu prijavu i eventualne izmjene u ekipama i predati je Komesaru/ sekretaru takmičenja radi pripreme žrijeba.

Član 59.

Komesar/sekretar takmičenja prijavne listove dostavlja Delegatu takmičenja koji provjerava tačnost istih utvrđuje identitet takmičara i odobrava istim pristup na takmičenje tog dana. Vršiti se provjera takmičarskih podataka iz Takmičarske knjižice , te provjera dokumentacije za utvrđivanje hendikep bodova svakog takmičara ponaosob.

Član 60.

Komesar /sekretar lige učestvuje u izradi prijedloga Finansijskog plana obezbjeđenja lige i svoje prijedloge dostavlja Finansijskoj komisiji saveza putem TK SRS BiH..

7. SUĐENJE NA TAKMIČENJU

Član 61.

Suđenje na sportsko ribolovnom takmičenju je skup radnji koje su dužne obaviti sudije, saglasno odredbama ovog pravilnika. Glavni sudija pravi raspored sudija na dužnosti adekvatno njihovim sudijskim zvanjima i sposobnostima. Kada je utvrđen raspored sudije se upućuju prema mjestima izvršenja zadatka i saglasno satnici takmičenja izvršavaju što im po terminima –satnici predstoji.

Član 62.

Suđenje na takmičenju organizira Glavni sudija , tako da za svakog takmičara postavlja jednog startnog sudca (ako su startnesudije planirane i angažovane), a za svaki sektor po jednog sektorskog sudca i 3 sudije za mjerenje ulova u svakom sektoru.

Minimalan broj sudija na takmičenju je; (Delegat, Glavni sudija, Komesar / Sekretar i eventualno glavni sudija po kategoriji, te na svaki sektor po jedan sektorski sudija na max. 8 takmičara, preko 8 takmičara 2 sudija, preko 16 takmičara 3 sudija itd. Plus dvojica sudija na vagi i ostalim poslovima s tim da u tom slučaju da Delegat i Glavni sudija ulaze u ekipu za vaganje.

1. Nakon izvršenog mjerenja – vaganja, sudija vagar pušta ribu natrag u vodu.
2. Sektorski sudija po izvršenom vaganju upisuje podatke u Startni list, a takmičar i startni sudija potpisuju startnu listu. Poslije izvršenog vaganja i puštanja ribe nazad u vodu ne prihvataju se nikakve reklamacije po tom pitanju. Na startnom listu nisu dozvoljene nikakve ispravke, koje ne potvrdi sektorski sudija svojim potpisom.
Ako nema svih potrebnih potpisa na na listi sekretar takmičenja tu listu ne smije obračunati i ona se mora predočiti Žiriju takmičenja..
3. Obrada podataka vrši se u principu na računaru, ili ručnim putem.

Član 63.

STARTNE sudije su već na startnom broju prije izlaska takmičara na stazu i očekuju takmičara, koji je po žrijebu dobio to mjesto. Kad takmičar sa opremom i priborom dođe do startnog mjesta, sudija provjerava indentitet takmičara (putem takmičarske knjižice i lične karte) i zajedno čekaju,

PRVI SIGNAL., nakon koga će startni sudija dozvoliti takmičaru i pomoćniku ulazak u boks, čime praktično počinje **PRIPREMA** za takmičenje. Takmičar obavlja pripremu saglasno članu 25. ovog pravilnika, a startni sudija prati njegov rad i upozorava ga na eventualno nedozvoljene radnje.

Nakon **DRUGOG SIGNALA** sektorski i startni sudija vrše provjeru mamaca i prihrane.

Nakon **TREĆEG SIGNALA** startni sudija prati bacanje kugli u zonu lova i skreće pažnju na lijevu i desnu granicu startnog mjesta. Na kraju obilnog hranjenja upozorava takmičara da mora izbaciti sve velike kugle jer ih tokom takmičenja neće moći koristiti.

Na **ČETVRTI SIGNAL** koji označava početak takmičenja startni sudija zauzima poziciju s koje će moći imati dobar pogled na rad takmičara, njegovu mrežu čuvaricu i posudu u kojoj se nalazi primama. U koliko tokom takmičenja dođe do bilo kog prekršaja skreće pažnju takmičaru a sektorskog sudiju informiše kako bi poduzeo eventualne sankcije . U slučaju **FISH AUTA** poziva sektorskog sudiju da zajedno utvrde njegovo postojanje. Svojim primjedbama ne smije dekoncentrisati takmičara niti susjedne takmičare.

Nakon **PETOG SIGNALA** daje na znanje takmičaru da je ostalo još 5 minuta do kraja takmičenja, Do kraja prati radnje takmičara pa će,

Na **ŠESTI SIGNAL** objaviti završetak takmičenja i posebnu pažnju obratiti na mrežu čuvaricu sve do vaganja ulova, ponovnog vraćanja ribe u čuvaricu, odnosno objave sektorskog sudije da nema primjedbi na vaganje i da je moguće ulovljenu ribu pustiti iz čuvarica u vodu. Za vrijeme vaganja startni sudija ne napušta startno mjesto sve do puštanja ribe u vodu.

Član 64.

GLAVNI SUDIJA određuje broj **SEKTORSKIH SUDIJA**, (koliko ih je potrebno) sa zadatkom da organizuju i prate rad startnih sudija u svom sektoru. U koliko nisu imenovane startne sudije onda sektorski sudija obavlja sve zadatke u svom sektoru., s tim da prati najviše 5 takmičara, što znači da u slučaju većeg broja takmičara u sektoru imenuje još jednog ili više sektorskih sudija. Inače sektorski sudija svoj zadatak obavlja isključivo u sektoru za koji je imenovan.

Član 65.

Sa održanog takmičenja SRS BiH u roku od 7 dana, Komesar lige/ sekretar je dužan dostaviti komplet originalne Dnevnik takmičenja, Izveštaje Delegata i Glavnog sudije, sa svim ocjenama sudaca. Kod ocjene rada sudaca, više rangirani sudac, dodjeljuje ocjenu niže rangiranom sudcu, koju:

- Umanjuje za jedan bod radi toga, ako sudac nema kod sebe Pravilnik te discipline.
- Za dva boda kod nedoličnog ponašanja sudca, prema nekom od učesnika SRT, što povlači suspenziju od suđenja do kraja tekuće sezone, i
- Sve niže ocjene od 3 (trojka) povlače suspenziju od suđenja na jednu godinu i pokretanje disciplinskog postupka kod prvostupanjskog organa, po Pravilniku o disciplinskoj odgovornosti

Član 66.

Sudijama pripadaju naknade za obavljeno suđenje na takmičenju i to:

- Sudijska taksa koju utvrđuje Upravni odbor SRS BiH za svaku godinu svojom odlukom,
- Dnevnica prema Pravilniku o isplati putnih dnevnica u SRS BiH,

Troškovi prijevoza i noćenja za sudije van mjesta održavanja takmičenja, suglasno Pravilniku o isplatama za prijevoz i noćenja u SRS BiH,

Član 67.

Sudije koje su iz mjesta u kome se održava takmičenje imaju pravo na slijedeće naknade:

- Sudijsku taksu (kao u čl. 60.),
- ½ dnevnice (kao u čl. 60.),
- Putne troškove od kuće do mjesta takmičenja.

Visinu ovih naknada za svaku godinu svojom Odlukom propisuje Upravni odbor SRS BiH.

ELEKTRIČNE BARIJERE

Član 68.

Najstrože je zabranjeno postavljanje startnih mjesta na udaljenosti manjoj od 25 metara od električnih postrojenja i instalacija (visokonaponskih vodiča, transformatora, stupova javne rasvjete, itd).

MJERE U SLUČAJU VREMENSKIH NEPOGODA

Član 69.

a) KADA NEVRIJEME POČNE PRIJE ILI ZA VRIJEME PRIPREMA ZA TAKMIČENJE

Niti jedan takmičar ne smije zauzeti svoje startno mjesto i pripremati svoju opremu; signalom će se označiti odgađanje pristupa na startna mjesta ili prekida priprema.

Ako to dopuste vremenske prilike i ako se uklapa u satnicu, takmičenje se može normalno odvijati ili se može skratiti (u svakom slučaju, mora trajati najmanje 1 sat). U slučaju vremenskih neprilika (oluja i sl.), žiri će proglašiti važećim krug-dan ukoliko je isti trajao najmanje 2 sata. Ako se vremenski uvjeti ne poboljšaju ili se to više ne uklapa u satnicu, cijeli se krug-dan takmičenja mora poništiti. Otkazani se više neće razmatrati.

Rang lista će se izraditi uzimajući u obzir otkazani dan. Otkazani neće biti ponavljani.

b) KADA NEVRIJEME POČNE ZA VRIJEME TAKMIČENJA

Posebnim signalom, organizator će trenutno prekinuti takmičenje i svi takmičari moraju potražiti zaklon i odložiti štapove . Ako to dopuste vremenski uslovi, takmičenje će se nastaviti nakon signala kojim je dopušten povratak takmičarima na njihova startna mjesta.

Signal nakon toga, 5 minuta kasnije, dozvoljava takmičarima nastavak lova ribe.

Trajanje tog dana takmičenja može se skratiti, ako zbog satnice takmičenje ne može trajati sva 4 ili 3 sata 3 sata.

Član 70.

ANTIDOPING KONTROLA

SRS Bi H se pridržava svjetskih pravila o antidopingu koje propisuje CIPS Konfederacija i Olimpijski komitet Bosne i Hercegovine.

Povodom prvenstva (Tokom prvenstva), takmičari se pozivaju na antidoping kontrolu kojoj obavezno moraju prisustvovati sa utvrđenim krajnjim rokovima, u skladu sa i Žirijevim direktivama. Pozvani takmičar, koji se ne odazove pozivu za kontrolu, bit će diskvalifikovan iz daljeg takmičenja i kažnjen. SRS BiH organizator prvenstva će snositi troškove antidoping kontrole, ako je ista naređena u skladu sa instrukcijama koje je na takmičenju dao Delegat takmičenja.

Ako nije naređena antidoping kontrola takmičara, a Delegat ili Glavni sudija utvrde da netko od takmičara , vođa ekipa, prije i za vrijeme takmičenja konzumira alkohol dužni su takvom takmičaru zabraniti takmičenje ili gau toku samog takmičenja isključiti sa istog i to evidentirati u Izvješćaj.

8. OBRAČUN REZULTATA NA TAKMIČENJU

Član 71.

Sektorski sudija je dužan nakon vaganja da startne liste u najkraće mogućem roku prethodno propisno potpisane od strane sudija i takmičara hitno dostavi sekretaru takmičenja .

Član 72.

Ocjenjivanje rezultata vrši se tako da se 1 gram težine ulovljene ribe ocjenjuje se jednim poenom.

Kod pojedinačnih takmičenja u okviru Premijer lige u dva ili više kola, pobjednika određuje najmanji zbir sektorskih plasmana za tog takmičara.

Kod pojedinačnih takmičenja u jednom danu više osvojenih poena osigurava bolji plasman. U slučaju jednakog broja poena dva ili više takmičara, takmičari dijele mjesto, s tim da veći startni broj ima pravo na nagradu (predpostavlja se kao da su svi takmičari u jednom sektoru).

Kod ekipnog takmičenja za svaki se sektor posebno vrši obračun pojedinačnih sektorskih plasmana. Manji zbir sektorskih plasmana članova ekipe određuje bolji plasman te ekipe na tom takmičenju.(najmanji zbir daje pobjednika).

Za Prvu ligu koja se organizuje u više kola zbir sektorskih plasmana iz svih kola određuju pobjednika

Za KUP BiH zbir sektorskih plasmana članova ekipe daje pobjednika KUP-a BiH.

prema uslovima iz prethodnog stava

Ako dvije ili više ekipa imaju isti zbir sektorskih plasmana, bolju ekipu određuje kriterij prema slijedećem redosljedu:

- Ukupno veća težina ulovljene ribe (zbir poena svih takmičara ekipe) i
- Veća pojedinačna postignuta težina ulova

Ako je takmičenje ujedno ekipno i pojedinačno onda se za pojedince utvrđuju plasmani u svakom sektoru takmičenja, odnosno ukupnoj konkurenciji.

Kod ekipnog takmičenja (u PRVOJ LIGI) ili KUP BiH u dva kola subota / nedjelja i takmičenja u više kola lige, pobjednik je ekipa sa najmanjim zbirom sektorskih plasmana iz svih kola lige. U slučaju istog zbira važe kriteriji ekipnog takmičenja. Takmičari koji su nastupili samo u jednom kolu(to jest ako je ekipa ubacila rezervu) boduju se u pojedinačnom plasmanu za dan kada nisu nastupili kao da su bili posljednji u punom sektoru „A“ (tako zbirom dobivaju svoj plasman, samo kada se to proglašava).

Član 73.

Takmičari koji su u sektoru postigli istu težinu ulovljene ribe, dobivaju prosjek njihovih plasmana, s tim da prednost kod dodjele priznanja ima veći startni broj.

PRIMJER: 1. Dva takmičara na 7. mjestu dobivaju:

$$7+8=15:2=7,5 \text{ poena za plasman}$$

2. Tri takmičara na 9. mjestu dobivaju:

$$9+10+11=30:3=10 \text{ poena za plasman}$$

Takmičari koji u sektoru ništa ne ulove to jest ostvare 0 (nula) poena ulova dobivaju prosjek poena neraspoređenih plasmana u sektoru. Odnosno ako u sektoru samo jedan takmičar ostvari 0 (nula) poena ulova, dobiva onoliko poena (plasman) koliko odgovara zadnjem mjestu.

- Primjer:**
1. Od 29 takmičara 14 ih je plasirano prema poenima iz lova od 1-14, ostalih 15 sa 0 poena dobivaju $15+29=44:2=22$ poena za plasman
 2. Od 29. takmičara 5 ih je plasirano prema poenima ulova 1-5, a ostalih 24 sa 0 poena dobivaju: $6+29=35:2=17,5$ poena za plasman.
 3. Od 29. takmičara 26 ih je plasirano prema poenima iz ulova od 1- 26 ostalih 3 sa 0 poena ulova dobivaju $27+29=56:2 = 28$ poena za plasman
 4. Od 29 takmičara 28 ih je plasirano prema poenima iz ulova od 1-28 jedan takmičar je sa 0 poena, dobiva 29 poena za plasman

Član 74.

Takmičenje se održava i sektorima ili pod sektorima u dva kruga/dana po 4 sata za seniore i po 3 sata za ostale kategorije (Seniorke, Juniori, Kadeti i Veterani.)

U slučaju prisilnog prekida takmičenja (to jest oluje ili , nevremena) žiri će odobriti priznati takmičenja u sektoru pod uslovom da je trajalo najmanje 2 sata.

U slučaju da vremenski uslovi ne dozvoljavaju takmičenje prvi dan, žiri može odlučiti da otkáže taj dan.

Otkazani dan neće biti razmatran u ukupnom plasmanu. Rang lista ce se izraditi uzimajući u obzir i otkazani dan.

Član 75.

Od svakog takmičara očekuje se strogo pridržavanje pravila takmičenja i poštivanje fer pleja u takmičenju

9. KAZNE NA TAKMIČENJU

Član 76.

ŽUTI KARTON (opomena) sudac uručuje takmičaru i drugim učesnicima ako se ne pridržava općih pravila takmičenja:

- Ako gazi po vodi za vrijeme takmičenja
- Ne poštuje signale, pruža ili prima nedozvoljenu pomoć, oštećuje ribu, namjerno baca višak hrane u vodu, hrani i lovi u tuđoj zoni, ulazi u startno mjesto drugih takmičara
- Ako svojim ponašanjem ometa lov drugih takmičara
- Ako verbalno vrijeđa službene osobe
- Ako koristi nedozvoljeni pribor
- Ako stvara nepotrebnu buku

U tijeku takmičarske sezone, žuti kartoni se akumuliraju, što znači da takmičar, koji dobije drugi žuti karton, slijedeće kolo lige ne lovi, a bodovi mu se obračunavaju po Članku 60. ovog Pravilnika. Primjer: takmičenje se provodi u 6 kola, na prvom i drugom kolu takmičar dobije po jedan žuti karton. Kažnjava se sa ne nastupanjem u trećem kolu i nastavlja sa takmičenjem u slijedećem kolu, a kod ekipnog takmičenja, se u ekipu uvidi zamjena. Ova dva dobivena žuta kartona se ne uvode kao dobiveni crveni karton.

Član 77.

CRVENI KARTON (diskvalifikacija) daje se za ponavljanje bilo kog prekršaja iz članka 70 ovog Pravilnika i za:

- Ako lovi ribu sa zabranjenim priborom, mamcima i načinom lova,
- Ako nema čuvaricu i ribu stavlja u kese ili slično,.
- Ako za vrijeme takmičenja konzumira alkohol ili neka opojna sredstva
- Ako vrijeđa službene osobe i predstavnike domaćina ili izazove fizički obračun.
- Ako napravi prekršaj , a već na istom takmičenju ima žuti karton. Crveni karton znači da obavezno gubi pravo nastupa u narednom kolu, mora dati izjavu Delegatu takmičenja i biti će podvrgnut sankcijama po Pravilniku o disciplinskoj (stegovnoj) odgovornosti, koji je donio Upravni odbor SRS BiH

Član 78.

Sudijski kolegij verifikuje dodjeljene žute kartone, a žiri takmičenja verifikuje date crvene kartone. Glavni sudija i Delegat moraju u svom izvještaju obvezno navesti :uzroke dodjele žutih kartona i crvenih kartona, te uzeti izjavu takmičara kome su dodijeljene kazne. Ako takmičar ili bilo koji učesnik takmičenja kome je dodijeljen crveni karton ne želi dati izjavu, to se konstatira u izvještaju delegata takmičenja i uzima mu se kao otežavajuća okolnost pri izricanju mjere o disciplinskoj odgovornosti.

Član 79.

Takmičar koji je kažnjen isključenjem sa takmičenja (crveni karton) ostaje bez plasmana, odnosno tretira se kao da nije nastupio na tom takmičenju i dobija +1 poen iza posljednjeg takmičara u punom sektoru „A“, dok ostali članovi ekipe ostvaruju plasman na osnovu postignutog rezultata.

U slučaju da diskvalifikacija takmičara uslijedi nakon obračuna plasmana, sljedeći plasirani takmičari zadržavaju svoj plasman (primjer X plasiran na 8 mjestu je diskvalifikovan, slijedeći plasirani takmičar zadržava svoj plasman i dobiva 9 poena, slijedeći 10 poena itd.

Kod pojedinačnog takmičenja u okviru PREMIJER LIGE takmičaru koji nije nastupio drugi dan (ili u nekom od kola lige) obračunava se rezultat +1 poen iza posljednjeg u punom sektoru „A“, odnosno na posljednjem je mjestu ukupnog broja takmičara.

Član 80.

Takmičar koji neopravdano napusti PREMIJER ligu ili ekipa koja napusti PRVU LIGU u toku takmičenja, kaznit će se zabranom takmičenja od 1 godine na svim zvaničnim takmičenjima koje organizira SRS BiH, a ako se radi o reprezentativcu zabrana važi za nastup u Reprezentaciji od godinu dana. Postupak pokreće Takmičarska komisija ili Komesar lige.

Član 81.

Zbog težih povreda ovog Pravilnika, nacionalističkih i drugih ispada : pojedinaca, takmičara , vođa ekipa, trenera i drugih učesnika takmičenja, svi prekršioc, kaznit će se zabranom nastupanja na zvaničnim takmičenjima u trajanju od 1-2 godine ili trajnom zabranom nastupa na takmičenjima koje organizira SRS BiH. Pokretanje postupka vrši Delegat takmičenja kroz svoj Izvještaj o održanom takmičenju u kom konstatira povrede odredbi ovog Pravilnika i traži u skladu sa Pravilnikom o disciplinskoj odgovornosti učesnika takmičenja ,sankcionisanje svih koji su povrijedili ovaj pravilnik.

Član 82.

Na izrečene kazne koje je izrekla Takmičarska komisija ili Komesar lige u prvostepenom postupku, kažnjeni pojedinci ili ekipe imaju pravo žalbe Upravnom odboru kao drugostepenom organu u skladu s Pravilnikom o disciplinskoj odgovornosti koji je donio Upravni odbor SRS BiH.

10. PROGLAŠAVANJE I OBJAVA REZULTATA

Član 83.

U pogledu plasmana reklamacije se mogu uložiti 20 minuta poslije zvaničnog objavljivanja rezultata. Vrijeme objavljivanja rezultata mora biti naznačeno u satnici takmičenja ili na drugom mjestu stazi, sastanku ili slično, a kod takmičenja u dva ili više dana – kola, rezultati toga dana moraju biti objavljeni svim učesnicima najkasnije 2 sata po završenom vaganju.

Član 84.

Po završetku takmičenja, najkasnije u roku od 3 sata obavlja se svečano proglašenje rezultata, ako su održana dva kola, na kraju drugog dana.

Domaćin takmičenja uručuje priznanja, a nakon održanog zadnjeg kola takmičenja u kalendarskoj godini uručuju se priznanja SRS BiH.

U pojedinačnim Premijer ligama (seniori, Seniorke, U-14 do U-23 i Veterani), prva 3 takmičara dobivaju medalje i diplome za osvojeno mjesto.. Pobjednik pojedinac dobija i pehar na kom piše tekst:

» Šampion BIH u ULOVU RIBE za 20__godinu i pobjednik PREMIJER LIGE SRS BiH
Pored ovog teksta na peharu se upisuje , godina i kategorija na koju se odnosi, takmičenje.
Prva tri takmičara ostvarila su automatski plasman u reprezentaciju BiH za narednu godinu.

Na kraju takmičenja u PRVOJ ligi i KUP-u BiH vrši se proglašenje rezultata za sva kola , a pobjednik lige dobija naziv:

**„EKIPNI PRVAK SRS BIH za GODINU 20__ „
POBJEDNIK KUP-a BIH za GODINU 30__“**

Prve tri ekipe dobivaju pehar, a članovi tih ekipa, rezerva i -trener ekipe, medalje i diplome.

Na KUP SRS BiH za seniore i seniorke pobjednička ekipa dobiva zvanje dobiva pehar , a svi članovi ekipe , rezerva i trener (3+1+1)dobivaju medalje i diplome za osvojenom mjesto.

Član 85.

U svim kategorijama , ekipnim ili pojedinačnim,, pojedinci ili ekipe koji su stekli uslov nastupa na međunarodnim takmičenjima mogu biti zamijenjeni na njihovo traženje, slijedećim takmičarima ili ekipama po plasmanu, , ili ako budu iz bilo kojih razloga disciplinski kažnjeni do termina nastupa u reprezentaciji.

Član 86.

Priznanja uručuju SRS BiH, putem domaćini takmičenja, Delegata takmičenja ili osobe koje ovlasti Upravni odbor SRS BiH i koja će to učiniti na ceremoniji proglašenja pobjednika na zadnjem kolu lige prilikom zatvaranja liga takmičenja za tekuću godinu.

11. FORMIRANJE REPREZENTACIJE SRS BiH

Član 87.

Reprezentacija SRS BiH u „ULOVU RIBE UDICOM NA PLOVAK“ predstavlja BiH na Svjetskom prvenstvu nacija. Reprezentaciju čine **6 (5+1)** takmičara iz PREMIJER LIGE SRS BiH izabranih od strane selektora i trenera reprezentacije.

Prva 3 takmičara u Premijer ligi (pojedinačnoj) stižu automatski plasman u reprezentaciju, a ostale bira selektor reprezentacije, od takmičara koji su te sezone bili u sustavu takmičenja Premijer lige.

Tko lovi prvi dan na međunarodnom takmičenju, određuje, nakon treninga, selektor reprezentacije

Član 88.

Reprezentacija se formira, oprema, priprema i upućuje na evropska, svjetska prvenstva i druga međunarodna takmičenja suglasno Pravilniku o reprezentativnim selekcijama SRS BiH. Odluku o odlasku reprezentacije na međunarodna takmičenja donosi Upravni odbor SRS BiH na prijedlog Takmičarske komisije.

Član 89.

Predstavnik BiH na svjetskom prvenstvu klubova u narednoj godini, u „Ulovu ribe udicom na plovak“ predstavljat će pobjednik PRVE LIGE SRS BiH, a na regionalnom takmičenju za KUP JPZ u disciplini: „Lov ribe udicom na plovak“ BiH ,će predstavljati prve dvije ekipe po plasmanu sa KUP-a BiH za seniore i seniorke u tekućoj godini.

U slučaju odustajanja neke od ekipa pobjednika iz ovog člana , pravo nastupa imaju slijedeće ekipe po plasmanu iz Prve lige ili KUP-a BiH.

Za nastupe na međunarodnim takmičenjima ekipe imaju pravo uzeti pojačanje iz drugih klubova do 2 člana po svom izboru ili 1 člana koji je strani državljanin sa mjestom boravka u BiH.

12. PRELAZNE I ZAVRŠNE ODREDBE

Član 90.

Kalendar PREMIJER LIGE ulovu ribe na plovak ,PRVE LIGE i KUPA BiH za sve kategorije i uslovi nastupa pojedinaca i ekipa , Takmičarska komisija mora donijeti najkasnije do kraja tekuće godine, za narednu godinu, a što mora biti obavezno objavljeno na WEB SITE SRS BIH .

Član 91.

Komesar lige, odnosno sekretar takmičenja dužni su poslati obavijest koom traži potvrdu prijema učešća pojedinaca i ekipa do 1. marta tekuće godine za učešće u takmičenju u tekućoj godini, a svaki takmičar premijer lige ili ekipa moraju Komesaru lige pismeno od 1 marta do 1 aprila tekuće godine potvrditi svoje učešće na prvenstvu u tekućoj godini.

Najkasnije 15 dana prije takmičenja Komesar lige mora objaviti satnicu takmičenja sa svim neophodnim podacima vezanim za smještaj, dolazak na stazu, žrijeb, početak i završetak takmičenja.

Član 92.

Sva službena takmičenja traju za seniore traju 4 sata, a 3 sata za ostale kategorije (seniorke, juniore, kadete i veterane). Izuzetno u slučaju jake elementarne nepogode takmičenje se može prekinuti u trajanju od najviše 60 minuta. Ukoliko se i nakon tog vremena ne mogu osigurati uslovi za nastavak takmičenja postignuti rezultati se obračunavaju ako je prošlo najmanje pola takmičenja (90 minuta) zavisno od dužine trajanja takmičenja) a u protivnom takmičenje se odgađa i ponavlja. Ako dođe do grmljavine prije takmičenja, takmičarima treba zabraniti ulazak u takmičarsko mjesto. Dođe li do pogoršanja meteo uslova, prije ili za vrijeme takmičenja, organizator određenim zvučnim signalom mora prekinuti takmičenje, i obavijestiti takmičare da odlože štapove i povuku se sa takmičarske staze. Odmah treba da se sastane žiri i na osnovu uvjeta na stazi treba odlučiti da li da se takmičenje i kada nastavi li potpuno prekine. Trajanje prekida takmičenja neće se računati u ukupno vrijeme takmičenja.

Član 93.

Za vođenje takmičenja, ako se takmičenje vodi ručno, koriste se službeni dokumenti, koji se preuzimaju na službenom WEB SITE SRS BIH, ili zatraže od sekretara saveza. Ako se takmičenje vodi na računaru i programu koji je verifikovala takmičarska komisija, priznaju se svi kompjuterski obrasci i Izvještaji koje kreira kompjuterski program.

1. Prijavni list za pojedince	PLP-01
2. Prijavni list za INVALIDE.....	PLP-02
3. Prijavni list EKIPNI.....	PLP-03
4. Redoslijed izvlačenja.....	PEI -04
5. Sektorski dnevnik.....	SDP-05
6. Dnevnik takmičenja POJEDINAČNO.....	DTP-06
7. Dnevnik takmičenja EKIPNI 3 sektor.....	EDT-10-01
8. Dnevnik takmičenja EKIPNI 5 sektora.....	SDT-10-02
9. Dnevnik takmičenja ekipno 2. kola.....	DTP-08
10. Zbirni dnevnik 4 kola.....	ZDT-07
11. Zbirni dnevnik 6 kola.....	ZDT-09
12. Finalni plasman –za objavu.....	FPL-12
13. Izvještaj Delegata takmičenja.....	UL-009
14. Izvještaj Glavnog sudije sa takmičenja.....	UL-010
15. Isplata troškova SRT.....	TRO-01

Član 94.

Za rezultate koji nisu pisani na propisanim obrascima odgovornost snosi Delegat takmičenja osim ako se takmičenje vodi na računalu i tada se moraju sačuvati svi podaci kao i obrasci, te dostaviti na disketi ili pisanom obliku u SRS BiH.

Član 95.

Prilikom održavanja takmičenja Delegat, sve sudije i sekretar - tajnik takmičenja moraju kod sebe imati ovaj Pravilnik i dužni su ga na zahtjev vođa ekipa, žirija istima predočiti radi, eventualno razjašnjavanja nekih odredbi koje su se tijekom takmičenja pojavile kao sporne.

Član 96.

Pravilnik stupa na snagu danom donošenja a njegovim donošenjem prestaju da važe odredbe Pravilnika donesenog 03.03.2012. godine. Pravilnik će biti u roku od 7 dana objavljen u službenim glasilima SRS BiH (Bilten TK, WEB PORTAL- SRS BiH) i moći će se preuzeti u Download zoni.

Pravo za pokretanje izmjena i dopuna Pravila imaju svi učesnici SRT: Takmičari, sudije, Delegati, Komesari, selektori i vođe ekipa koji svoj prijedlog Upravnom odboru dostavljaju putem Takmičarske komisije SRS BIH.

Član 97.

Tumačenje Pravilnika vrši Takmičarska komisija, a izmjene i dopune Pravilnika na prijedlog Takmičarske komisije vrši Upravni odbor SRS BiH.

Član 98.

Za međunarodna takmičenja čiji je domaćin SRS BiH, važe isključivo odredbe Pravila FIPS-ed i Dodatna pravila koja ce za svako konkretno takmičenje propisati SRS BiH, putem TK SRS BiH i Organizacionog odbora prvenstva.

Član 99.

Premijer Liga i Prva Liga SRS BIH mogu imati svoje specifične LOGO znakove, koji se moraju upotrebljavati sa Logo znakom SRS BiH na svim zvaničnim dokumentima tih liga.

SARAJEVO, 15.02.2014.g.
Broj:01-070/14



PREDSJEEDNIK UPRAVNOG ODBORA
SRS Bi H
Đorđe Klepić